

XO MAA NU XIJMOJOI NU KUCHTI KJA'NI

XO MAA

Nu ro ndejte ka ro jiegi nu föste i nu jiegi xa'to da nu xijmojoji petsi i füdi ka ro muj ka metsi nu yu kuchi ra gentho i jingi ne da uni gotho yu mutsi kja'ni;

Nu ro ndejte jingi pädi i jingi ne' ju nu kuchi kja'ni xo kja kosa jingi zoo pa nu yu kja'ni; i xo maa'mu, i ne' ju ra dté nu kja'ni, bi nka tse xijmojoji i yu kja yu kja'ni, i bi to nu tzu i ni tu'ju bi tze nu ro föste nu ro ña i nu ro föste i bi tse nu ro muj;

Nu ro ndejte ra zoo pa nu kuchi yu kja'ni da föchte nu ajte da yu kuchi, pada guani nu zoya jinda maa ra nda tzédi i da bottu yu kja'ni i da maa tzo'ju ko nu manda ajte;

Nu ro ndejte pa nu da knja i da yete, da ne ju ra zoo ko yu ra xijmojoji;

Nu ro ndejte nu yo jñini de yu xijmojoji xomaa nu ro je'mi i ne nu yo kuchi de nu nzoya, i ka nzu yu kja'ni i r aguentho nu kuchi de yu nzoya i nu nana; i xo ma'mu xo zoo i ma'mú nu da te i da te a putze nu ro muj pa ka yo kja'ni yo libre;

Nu ro ndejte nu yo jñini ra mütsi xo ma ma'mú i xo nguajuia, xo nföchte ku nu mutsi de yu jñini, nu xijmojoji i ne i kuchi i fötsi yu yo nzoya;

Nu ro ndejte i juadi yu i bini nu ro kuchi i da jiegui'ju gotho i mporta pa nu ankja nu i da tute ka xo maa;

XO MONTSIJU GOTHO MA'MU NU XO MAA NU XIJMOJOI NU KUCHTI KJA'NI

I ne' ju gotho yu kni'ni i nu xijmojoji da pa'nu ra'ra, da kuädi nu kja'ni ko nu ajte, i bini'ju teni, i ma'mu, ko nu ro ujti i nu ro xömpite i nzengua ka kuchi ka, ma'mu, da ma ka ju ra zoo ko yu jñini i gotho nu xijmojoji, nu pudi i ni i kja nu xijmojoji ni a yu jñi'ni i buni a muntsi koyu jñi'ni i ku nu a ajte.

N'a nfini (1)

Gotho nu kja'ni i muj ra zoo i gotho ro kuchi, i tu'ni nu ro ña padä bini i da budi, da muj ra zoo koyu gotho yu kja'ni i yo kuadi.

Yojo nfini (2)

Gotho yu kja'ni i jka nu ro kuchi da yödi nu ji maa, jinda yo'ni te'ma kolor, ka ro taxi ora böti, ro nzoya o ro nana, ankja ga ña, kja i ne ro tsi nkja kua jina, kuaro mingua kua, kua jina, kua ja ro domi, kua jina, o abu xo mui ankja.

I jinda, toni jari ñiji, ka no político, kua ro mingú kua, kua ro jiapu, kua ro mingú nu a jñini nua jingui kuti a xijmojoji.

Jñu nfini (3)

Gotho nu kja'ni kja kuchi nu ro nzóki, da födi nu ro kja'ni.

Goo nfini (4)

Kotho ra kaki gi pe'fi; ra dra ngú, kotho da xiki jingi ka ganku nugege.

Kuta nfini (5)

Kotho da ndampi kotho da xiki te da xiki.

Ba'to nfini (6)

Gotho ro kja'ni ka kuchi, gotho yonguädi, da püdi ro kja'ni.

Yojto nfini (7)

Gotho ra gentho nu a nu tzukua, jingi toni ankja, kuchi ra gentho, pödi bu ro tzukua. Gotho i kja kuchi i gentho i fudi ji gotho nu bi jingi ne nu i maa i ji gotho kjapi nu a jinguine.

Jñato nfini (8)

Gotho nu kja'ni ja ro kuchi da janda ro fende, nu a yo födi, xo da fötsi ko yu neda kapi jinda zoo ko ni ro kuchi nu i pödi nu ro ajte.

Gujo nfini (9)

Kotho da zoo da meñdi da goti'ki, nu a födi.

Re'ta nfini (10)

Gotho nu kja'ni ka ro kuchi, i ra guentho, da ntede i da nu a i fötsi yu yo tu, päda füdi to ka, ja ro ranzo ka tsifi, nu a ro födi.

Re'ta ma n'a nfini (11)

Gotho nu kja'ni i tsifi xo ja nda ji ra zoo, jka ro kuchi a da maa gege, ji xo kja, nu ro ajte da fötsi ko nu ro tzukua nu ro födi xo maa da göti gotho.

Kotho da zoo te da ka'ki nu bu te ko Péfi tä dä kati, ko nu tzukua i nu a bunu födi da kati ku ri kuchi de nu knini i nu xojmojoji. I ningi nkajapu jinda zoo te da kaki, jinse nu föchte nu jinda zoo.

Re'ta ma yojo (12)

Kotho da zoo te da xiki nu ri nzóki, i nu ri mi'ni, nu ri ngú nu aki je'mi i xätho da tsiki nu ri kja'ni. Gotho nu kja'ni ka kuchi i da fötsi nu tzukua bi te da kapi.

Re'ta ma jñu (13)

Gotho nu kja'ni ka kuchi a da ño ra zoo i da juajni a da mui gotho yu jñini.

Gotho ni kja'ni ka kuchi a buni de nu ro jñi'ni, da goji nu a ro jñini.

Re'ta ma goo (14)

Bu i toni te da kapi, gotho nu kja'ni ku ro kuchi päda jiodi ntidi da muj, i da muj ra zoo, make jingro jñini.

No kuchi jinda zoo da te da tsiki yu yo política o te xo bini ju o te ne da xiki.

Re'ta ma kuta nfini (15)

Gotho nu kja'ni ka kuchi a da muj na jñini.

Kotho da ñinki jinda zoo gi muj na jñini o da xiki gi maa pi nda jñini.

Re'ta ma rato nfini (16)

Yu nzoya i nu nana, bi ya ra zoo da nthati, ka kuchi, kotho da zoo te da xiki, make ro mingua ndanpa, ra kuchi da nthati, da mubi i da nthati kui bu da ne da gege xo da zoo ga jinda nthati.

Be ne'ui da zoo da nthati yu yo ra'yo nzoya i nana da zoo da nthati.

Nu mi'ni guenu ra zoo da nka pa yu kja'ni da büdi i da nka kuchi da fötsi yu yo kja'ni i nu ro ajte.

Re'ta ma yojto nfini (17)

Gotho nu kja'ni ka ro kuchi da metsi ro meti, ratse o kuadi'ju.

Kotho te da xiki de nu ri meti.

Re'ta ma j̄nato nfini (18)

Gotho nu kja'ni kuchti da fini nu ro mui; nu kuchti i ño'ui ni bu da kambia nu ro mui, i da maa anja di mui, da raze o da muntsi, da no'ui yu kja'ni o da raze, kon nu ro xodi, nu ro mui.

Re'ta ma gujto nfini (19)

Gotho nu kja'ni ka ro kuchti anja ga bini pa maa; nu ro kuchti gotho da xifi te da xifi ankja ga ro nfini, da ñoni i da tu'ni ka ne, pa da nu'ti gege, i kotho ñimbi jina, gotho yu maa yu nkja.

Ñonte nfini (20)

Gotho nu kja'ni ka kuchti de nu ro muntsi yu kja'ni.

Kotho da zoo da xiki gi kiti manke jingi ne nu aro muntsi.

Ñonte ma n'a nfini (21)

Gotho nu kja'ni ka ro kuchti da ñiti nu ajte de nu j̄nini, da niete nu yo ra kja'ni o gege'tze.

Gotho nu kja'ni ka ro kuchti da ñiti, ra gentho, nu yo mefi go ajte nu ro kja'ni

Nu ne yu kja'ni de j̄nini geru ra zoo i da jiete nu ajte; nu bi ne dañ ko yu tdani pa de pe'nu a ko nu ajte, tzoto i danuju.

Ñonte ma yojo nfini (22)

Gotho nu kja'ni komu i binu a muntsi, ka ro kuchti pa da mödi, pa mu ro j̄nini, nda föchte nu xijmojoj, nu ro muntsi i nu ro domi nu ro j̄nini, yu yo kja'ni, i nu ro mui ne kja'ni a të nu ro kja'ni.

Ñonte ma j̄nu nfini (23)

Gotho nu kja'ni ka kuchti nu ro befi, ka ro kuchti a da juani, a nu ro befi i da fochte nu ro befi.

Gotho nu kja'ni ka ro kuchti, xatho da tsifi, ra gentho nu pefi ra gentho gotho.

Gotho nu kja'ni pefi ka kuchti a da tu'ni da ro domi ka tu'ja pa da, ñini yu yo bātsi, nu yo mini, pa da mui ra zoo'ju, i da bödi'ju.

Gotho nu kja'ni ka kuchti da ka da ro ngú ajte pa da müntsi'ju da K'ati yu yo mui.

Ñonte ma goo nfini (24)

Gotho nu kja'ni ka ro kuchti da tzo'ye nda rato, da mi de nu ro befi i nu ro tzo'ye da ngutibi.

Ñonte ma kuta nfini (25)

Gotho nu kja'ni ka kuchti da mui ra zoo, ko nu ro mini, nu ro j̄nuni, nu ro jee, nu ro ngú, pa nu ro ñithi, pa gotho yu joni; i ka kuchti da bu tutsi ro tu'ju nu a da ka j̄nine, da goji, ra'me, ranchu, i bi ndejta o te da thogi nu ro nzóki.

Nu ro me i nu ro bātsi i ka kuchti da födi ra zoo. Gotho yu bātsi, xo mui de nu ro nthati, ka kuchti da fōtsi.

Ñonte ma ra'to nfini (26)

Gotho kja'ni ka kuchti da ujtí'te. Nu ujtí'te da ka j̄i'da kuti, nu ro ujtí'te ro da a'tzedi. Nu ro ujtí ra kāy i nu ra tee ka kuchti pa gotho yu i ne; na yu ne da pädi ra tee gotho ra gentho.

Nu ro ujtí ra zoo pa da tee nu ro pädi nu ro kja'ni i nu i nzengua yu kuchti mui kja'ni. Pa da föchte pa da bādi, da ña i da ne'ju gotho yu xijmojoj i gotho yu muntsi natho nu ra j̄na, i da ño da ña gotho nu yo k̄nini pa da te nu yo befi yu xijmojoj pa da mui ra zoo.

Gotho yu ta ka kuchti da juajni nu ro ujtí pa da pádi yu yo bātsi.

Ñonte ma uojto nfini (27)

Gotho nu kja'ni ka kuchti da maa'nka bini de nu ro nzóki nu ro mui de nu j̄nini, a da nuti ñu ro tee i nu ra zoo nu ro j̄nini.

Gotho nu kja'ni ka kuchti a da pōdi nu ro nfini i yu ra zoo yo meti gege.

Ñonte ma j̄nato nfini (28)

Gotho nu kja'ni ka kuchti da mui ra zoo nu a nu k̄nini o da pi n'angu k̄nini ka kuchti xo maa i da nka.

Ñonte ma gujto nfini (29)

Gotho nu kja'ni petsi te da me'fi, nu a ro k̄nini, pa da zoo ra kja ra zoo ku nu ro kja'ni.

Bu da me'fi yo kuchti. Gotho nu kja'ni da me'fi gangu nu ya xo maa nu ro tzūkua pa da budi i da la yu yo kuchti gangu bini.

Nu yu kuchti jinda zoo da, ka bu, da ne da böti nu ro nfini pa nu ro xijmojoj.

J̄nu'te nfini (30)

Kotho nu maa nu je'mi da zoo da jiete nu kuchti nu j̄nini, nu müntsi o nu kja'ni, pa da zoo da jiete o da ka da ñingi jingi ka kuchti da jiete nu xo maa nu a nu je'mi.